





此表為後人於真林殊彙編之序中於金石  
文字記序少加刪改耳碑刻見之錄而不載于記者  
凡加青帝懿稱詔御祝文蘇軾題名賜昭祐公碑晉  
初宋人題名呂惠卿祀霍山中鎮庶詩之趙毅詩  
頌莊子牒永壽王詩神宗賜文亮博詩文潞公記王  
庭筠詩日馬公初志記碣日馬溫國公墓志計十六種  
其中間有存後年所未見雖非顧氏所錄亦不可棄  
矣道光元年八月三日渭仁記

求古錄序

予自少時即好訪求古人金石之文而猶不甚解及  
讀歐陽公集古錄乃知其事多與史書相證明可以  
補闕正譌不但詞翰之工而已比二十年間周遊天  
下所至名山巨鎮祠廟伽藍之跡無不搜尋登危峰  
探窈壑捫落石履荒榛伐頽垣畚朽壤其可讀者必  
手自抄錄得一文為前人所未見者輒喜而不寐念  
古人遺刻且日遠日湮後之人未必如予即如予而  
數十百年之後又當磨滅幾許又歐陽趙氏二錄僅  
有其目而不著其文良以卷帙浩繁難於盡載而好  
古之君子不無遺憾乃取篋中所得重為刪正去其  
大半擇可傳者錄之以遺諸後人其高文大篇已見

於方志者不錄碑刻之摹拓而傳于世者不錄近代  
詞人之作多有文集者不錄在乎闡幽表微備史策  
之遺存前古之制然以布衣之賤出無僕馬往懷  
毫舐墨躑躅於山林猿鳥之間而北方之人鮮能識  
字其或限于聞見窘于日力而山高水深為登涉之  
所不及者即所至之地亦豈無挂漏又望後人之同  
此好者繼我而錄之也東吳顧炎武撰

求古錄

東吳 顧炎武 寧人

唐景雲二年勅

景雲二年六月二十三日皇帝敬憑太清觀道士楊太  
希於名山研燒香供養惟靈蘊秘凝真含幽綜妙類高  
旻之亭育同厚載之陶鈞蓄洩烟雲敞虧日月五枝標

秀八桂流芳翠嶺萬尋青溪千尺

古儀及兩字通用魏

字作 蛻裳戾止恒為碧落之庭鶴駕來遊即是玉京之

域百祥覃於遠邇五福被于黎元往帝所以馳心前王

由其載想朕恭膺寶位嗣守昌圖恐百姓之不寧慮八

方之未泰式陳香薦用表深衷實冀明靈降茲休祉所  
願從今以後泱寓常安朕躬男女六姻永保如山之壽

此初至王國題名典  
後第十九頁  
雙碑共為一碑

岱岳觀造像記  
金名又  
字記可保者凡  
萬歲通天久祝  
一依風  
大曆二長安二天  
授二景雲二  
神龍二景雲二開元二建中二



國朝官寮萬姓同符擊壤之歡魚鳥遂性于飛沉夷狄  
歸心于邊徼賢希靈鑒用副翹誠今因鍊師遣此不志  
右唐岱嶽觀碑文之一泰山之東南麓王母池有唐  
岱嶽觀今存茅屋三楹上人稱為老君堂其前有碑  
二高八尺許上施石蓋合而束之其字每面作四五  
層每層文一首或二首皆唐時建醮造像之記周環  
讀之得顯慶六年一首儀鳳三年一首天授二年一  
首萬歲通天二年一首聖歷元年一首久視二年一  
首長安元年一首四年二首神龍元年一首景龍元  
年一首三年一首景雲二年二首開元八年一首大  
歷七年一首建中元年一首其空處又有唐代人題  
名書法不一東側面有詩一首其下題名西側面題

名亦有詩一首中二側而皆無字唐碑存于泰山者  
唯此及玄宗泰山銘蘇頌東封朝覲頌二文皆磨厓  
刻于山上而此碑在山下以小而雙束故不仆書非  
名筆故摹拓者少而獨完至今因歎唐時六帝一后  
修齋建醮凡二十許共此二碑亦異乎近代之每歲  
一碑以勞人而灾石者矣但不知趙德甫全石錄何  
以不收恐古人碑記失傳者正多耳碑下為積土所  
壅予來遊數四最後募人發地二尺下而觀之乃得  
其全文而此勅文辭藻斐然固予之所亟錄而傳者  
也其記及詩及題名各載其一

景龍三年記

大唐景龍三年歲次己酉三月戊午朔十九日景子奉

跋見全名文字記無此勅  
以下數行視此別後以此  
錄二十二種非其舊矣

勅令號州龍興觀主社太素蒲州丹崖觀監齋呂皓仙  
京景龍觀大德曹正一等三人於此泰山岱嶽觀建金  
籙大齋報賽前恩追濟兗等州大德四十九年七月七  
夜轉經行道設河圖大醮更祈後福以申告請七日之  
中遂呈四瑞白鶴騰輝拂霞莊而矯色黃雲覆彩映巖  
穴以通光絲雨飛禎家示九年之蓄烏曩抱戴壽延千  
載之君紀時日于青郊勒奇工于翠琰夾紵像一鋪十  
一事二聖本命鎮彩修造

右唐岱嶽觀碑文之一唐諱丙改丙為景二聖中宗  
及韋后也

博城縣令詩

早春陪勅史麻先生祭岳 守博城縣令馬□□ 我

皇盛文物道化而莖先鞭撻走神鬼玉帛禮山川忽下  
玄州使來遊紫洞前青年得處所白鶴□時年度懸飛  
龍記昭彰化烏篇□風半山水氣總雲烟光抱昇中○  
霞明五色而山橫翠微外室在綠潭邊緹幕灰壘屐焚  
林火欲然率光著草樹春色換山泉伊水來何○萬巖  
去幾十山疑小而下厓是會神仙業令乘鳧入浮丘駕  
鶴旋麻姑幾率歲三見海成田

右在岱嶽觀碑東側而其文剝蝕不全久視二年記  
所稱神都青元觀主麻慈力即其人也武后遣之至  
觀修醮神都即東都故有伊水嵩巖之句

又按碑凡大周年者天作而地作壘人作厓聖作壘  
年作季月作○亦作匝日作○授作稭初作壘唯屐

此碑見金石錄記岱岳  
觀造像記

字無可考疑是應字凡數字作壹貳參肆捌玖等字皆武后所政及自制字其璽歷年記有云設金錄寶齋河圖大醮泰<sup>○</sup>泰古七字太玄經玄攤曰運諸泰政玄槐曰槐擬之二泰方曰吳有泰娥之臺是也後人不知妄于在旁添鑿三點淺而大又稍偏知非一筆唐碑書七字亦有作漆者後又省筆作柒冊府元龜載唐玄宗先天二年三月癸巳詔制敕表狀書奏牋牒年月等數作一十二二十三十四十字是知前此皆借壹貳等字矣不知其始于何年也

### 王圓題名

淄州刺史王圓山人王昌字大歷十四年二月廿七日同登泰嶽時真君道士卜皓然萬歲道士郭紫微各攜

奈藥相候于迴馬嶺同口於王母池登臨之興無所不至

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩俱不工不錄此碑前文從右方起後詩并題名或從右方起或從左方起每曾高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即于空處插入大小高下俱無定準宋初亦然自大中祥符以後題名者乃別求一石刻書字體始得舒縱亦不與舊文相亂然石小易于搬取故題名愈多而存者愈少今之溝渠碾磨之間皆

法版云任要公孫杲二詩不  
保法集乃有二人之倚  
後人檢其跡亦係排

是物矣此碑面西側又有宋政和甲午題名一條  
又按茶薺之茶與茶苦之茶本是一字古時未分麻  
韻茶薺字亦只讀為徒東漢以下乃音宅加反而加  
字音居何反猶在歌戈韻梁以下始有今音又妄減  
一畫為茶字此碑兩見茶字皆從艸从余可見唐時  
字體尚未變涵雅禳苦茶廣韻九麻中有茶字又有  
茶字註曰俗是也

又任要題名曰貞元十四年正月十一日立春祭嶽  
遂登太平頂宿其年十二月廿一日立春再來致祭  
茶宴于茲曰茶晏者蓋唐時祭畢猶不用酒今不然  
矣

宋董元康題名

長清董元康權宰奉高挈家遊瑤池館觀元功第題字  
愴然久之政和四年七月二十一日質贄侍行

右小石刻在岱嶽觀予既錄唐碑往還數四道士謂  
予曰昨發地得石刻二請觀之其文亦可采因附焉  
下題因此

同

清皇集元弼略載顧氏以書作山東考古錄

開福記

決之事也

宋真宗廣生帝君讚

是物矣此碑面西側又有宋政和甲午題名一條  
又按茶苻之茶與茶苦之茶本是一字古時未分麻  
韻茶苻字亦只讀為徒東漢以下乃音宅加反而加  
字音居何反猶在歌戈韻梁以下始有今音又妄減  
一畫為茶字此碑兩見茶字皆從艸从余可見唐時  
字體尚未變爾雅檟苦茶廣韻九麻中有茶字又有  
茶字註曰俗是也

又任要題名曰貞元十四年正月十一日立春祭嶽  
遂登太平頂宿其年十二月廿一日立春再來致祭  
茶宴于茲曰茶晏者蓋唐時祭畢猶不用酒今不然  
矣

宋董元康題名

長清董元康權宰奉高挈家遊瑤池館觀元功第題字  
愴然久之政和四年七月二十一日質贄侍行

右小石刻在岱嶽觀予既錄唐碑往還數四道士謂  
予曰昨發地得石刻二請觀之其文亦可采因附焉  
下題因此

盛勛題名

政和戊戌仲夏二十九日被旨決獄恭謁祠下飭此轉  
運判官盛勛公達題男志修侍行

右小石刻在岱嶽觀戊戌乃政和八年其年十一月  
己酉朔政元重和曰決獄者讞而決之古無仲夏斬  
決之事也

宋真宗廣生帝君讚

若夫典治喬嶽表正靈祇司生發于東方仿聰明于上帝宜乎名冠仙籍德被庶民饗祀典于蕭薌鏤徽稱于金石者也屬以虔修對禮恭答神庥薦顯號以致誠述斯文而頌美讚曰

節彼岱宗奠茲東土生育之地靈仙之府爰有高真允司明命至神不側虔誠斯應茂實克昭儲祥是繫式奉嘉名用伸精意

大中祥符元年十月二十七日御書院奉勅模勒刻石右碑在泰山南麓青帝觀中宋真宗御製廣生帝君讚并序其文及篆額皆御書青帝耶禮記月令所謂其帝太皞而史記封禪書秦宣公作密畤于渭南祭青帝者也夫帝者一而已矣易傳曰帝出乎震齊乎

巽相見乎離致役乎仲說言乎兌戰乎乾勞乎坎成言乎艮周流于四時八卦之中而其為帝者一也家語載孔子之言曰丘也問諸老聃曰天有五行水火金木土分時化育以成萬物其神謂之五帝古之王者易代而改號取法五行五行更王終始相生亦象其義故其生為明王者死而配五行是以太皞配木炎帝配火黃帝配土少皞配金顓頊配水于是有五天帝五人帝之說漢儒因之遂立感生帝之名謂帝王者先祖皆感太微五帝之精以生鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍諸儒所排駁而後世雖存五帝之祀亦不遵用其名者也豈若易傳之言簡

而當哉若真宗之事又所不足論云

加青帝懿號詔

勅中書門下名嶽配天乃衆山之推長盛德在木實品物之資生惟真宰之斯存益靈篇之攸紀青帝真君職司煦育道叶冲虛贊玄化于高明庇羣生于溥率真祠夙建方志可徵屬巖駕以時巡爰祕封之成禮式瞻神館冀篤冥休祇舉典章載揚懿美奉嶽名而昭薦旌玄德于無方用表欽崇永綏福祉宜尊懿號曰青帝廣生帝君觀宇時加修飾故茲詔示懇宜知悉

大中祥符元年十月二十五日下

御祝文

大中祥符元年歲次戊申十一月戊午朔四日辛酉崇

文廣武聖明仁孝皇帝謹遣尚書兵部員外郎邵曄告於青帝廣生帝君伏以峻功不宰誕彰陰隲之仁神化無方實生發生之宇惟高真之幽館奠喬嶽之靈區屬以祇奉元符躬陳大報仰繫景貺克舉上儀式昭□□之稱以表欽崇之禮合申致告用達虔誠謹言  
右共一碑前列序讚大字後刻詔祝文字稍小

升元觀牒

尚書省牒准泰寧軍奉符縣升元觀 右第一行 泰寧軍

狀據兗州儀曹掾兼兵曹婁寅亮狀稱契勘兗州奉符縣泰山之下有古洞天周三十里名曰三宮空同之天載名圖經是實即目宮觀並無名額却有建封院一所逼連嶽廟之後殿屋完備田產頗多只一村僧占據住

持任從民間安攢丘墓穢惡不蠲深慮觸瀆真仙不便  
欲乞備申朝廷政為道觀州司看詳本院委合改充前  
件洞天道觀伏候指揮 右小字

牒奉勅宜賜升元觀為額牒至准勅故牒 右大字草書

起復太中大夫守在丞王 乃

特進少宰 乃

起復少保太宰 乃乃乃

太師魯國公 不押右字畧小真書

政和八年六月十四日牒 右未一行

政和八年閏九月二十一日襲慶府管内都道正兼催  
措置知升元觀事洞元大師賜紫道士李冲寂立石 左右

下方之

右碑在泰山東南麓升元觀其文字草書甚遒勁不  
知何人筆錄之以見當日牒文之式考宋史婁寅亮  
傳但云政和二年進士為上虞丞下言歷官兗州亦  
可以此碑補史之闕其曰太師魯國公則蔡京也  
普照寺有金大定五年牒碑長春觀有元丁亥年牒  
碑其式畧同金元碑並有印曰尚書禮部之印即今  
通行大篆文不用女直蒙古字

後唐冥福院牒

中書門下宣賜冥福禪院產業地土 右第一行第二行  
起開載地土數目

錄不具

右付冥福禪院准此 此一行在數目之後

長興四年九月二十三日牒 中書門下之印在二十三  
字上

樞密使檢校太傅平章事駙馬都尉趙 前印

樞密使檢校太傅平章事范 前印

樞密使檢校太傅平章事范 前印又加一印使在字上

中書門下牒冥福禪院

右碑在今泰安州城內冥福寺此牒無押而每人各用一印兩樞密使趙延壽范延光並見五代史又今官府文移准字本當作準相傳以為宋寇萊公作相日避其名改之今據後唐時牒已用准字則知此字自取省筆之便不始萊公也廣韻二字並收准字下注曰俗然莊子平中准管子懷繩與准鈎准繩文子放准循繩皆用此字碑下層有偽齊阜昌二年二月初二日給戶案不錄

見日知錄

宋范致君題名

武夷范致君久慕仙風自楚之魯遂登泰山以望八極之表有宋大觀元年正月廿三日記于是碑

右小石刻在泰山南麓后土廟

錢伯言題

宣和己亥九月廿四日而奉玉音至奉符催視嶽祠後一月伯言至自究明日具香燭以告上旨而罷醮于會真宮獨登瑞雲亭早飯于行館遂同令寇庠丞呂光明祠官曹欽承萊蕪令韓僖道士蘓彥弼謁岱嶽觀留連池上復自金母洞過青帝觀觀文僖丞相遺刻遂游白龍潭奠御苑玉芽于水中爰具泉石之勝迺相與策杖散步還過雞籠峰始復有輿躬走社首山視禪壇訪遺

迹晚入乾元觀小飲翠陰亭而歸知襲慶軍府事錢伯  
言題

右碑舊在宋天書觀後人移之州城內嶽廟中西墀  
古松下行書大徑寸餘

唐景龍觀鐘銘

原夫一氣凝真含紫虛而構極三清韞秘控碧落而崇  
因雖大道無為濟物歸于善貸而妙門有教滅咎在於  
希聲景龍觀者中宗孝和皇帝之所造也曾城寫質闕  
苑圖形但名在騫林而韻停鐘簷朕翹情八素締想九  
玄命彼鼓延鑄斯無射考虞倕之懿法得晉曠之宏規  
廣召鯨工遠徵鳧匠耶溪集寶麗壑收珍警風雨之辰  
節昏明之候飛廉扇炭屏翳營鑪煮鶴呈姿躡熊發狀

角而不震侈而克楊庶其曉散靈音鎮入鴻鸞之殿夕  
騰仙韻恒流鷓鴣之闈聾俗聽而咸痊迷方聞而永悟  
洪鈞式啟寶字攸鐫其銘曰紫宸御歷青元樹因傾巖  
集寶竭府收珍社獲律應張永規陳形包九乳儀起萬  
鈞上資七廟傍延兆人風巖韻急霜重音新自茲千歲  
從今億春懸主京而薦福侶銅史而司辰  
景雲二年太歲辛亥金九月癸酉金朔一十五日丁亥  
土鑄成

白龍池宋人題名

內供奉官李舜舉被命禱祀帝岳奉香勝槩于壽聖鄣  
日先歛青帝宮次詢白龍潭治平四年題

字即恭之筆

月廿六日

究守劉袞奉詔祈雪于岱宗絕頂翌日謁白龍池之祠  
元祐丁卯孟春初四日奉符全林會題 大字

貫道建欄于此以便游者元祐丁卯正月八日 大字  
范陽正輔再遊同魯國景元符丁丑三月廿六日

元符庚辰七月晦趙習之徐安國弟居仁孫正仲同遊  
大字

皇甫偁徐端朝孫儔同遊建中靖國元年三題

奉符令李珪因捕蝗恭謁白龍祠男彙侍行崇寧壬午  
孟春初七日

誠中君賢德升崇寧二年八月廿六日自王母池來訪  
此

董元康政和甲午重九日携家來遊執贄賁侍自茶觀

元康兄留字正和乙未孟冬二十日

莆陽陳國瑞子玉恭謁白龍池祠俯洞酌泉小憇而邁

政和丁酉夏前二日 大字

姜子正子方李晉道劉言可刁文叔同來庚子四月

李顯道張公美王神與張去塵庚子孟夏十九日遊池

上

鄆城李僭弟倭姪贛隨侍遊此癸卯孟春廿八日

張子觀水于池 十三年春三月 篆書大字無年號按

三者若曰金元又不合一  
代全無題名止此一人也

右在嶽西傲來峰下白龍池壁上平廣計二十餘丈

書曰龍潭曰白龍池並大字其傍皆宋人題名尚未

刊缺錄之得十五首其文畧無重複自治平迄宣和

六十年間人名字亦可以想見當日太平之盛而金元以降洊遭兵火而名山奧區委之榛莽無復有題名者矣

張子觀水于池篆書張字作𠄎按劉原文𠄎仲臣銘釋𠄎為張以為張仲之器歐陽永叔從之趙明誠金石錄疑之黃長睿東觀餘論則云𠄎其勿反非張字考之玉篇信然此云𠄎于則為張子無疑蓋宋人之好奇者據原父永叔所定之字而用之耳

元聖旨碑

長生天氣力裏大福廕護助裏皇帝聖旨軍官每根底軍民每根底管子達魯花赤官人每根底來往的使臣每根底宣諭的聖旨成吉思皇帝月古台皇帝薛禪皇

文字記有宣和博古圖云云

帝完澤篤皇帝曲律皇帝普顏都皇帝格堅皇帝聖旨裏尚和也里可溫先生達識蠻每不棟甚麼差發休當者先天祝壽者麼道有來如今依着在先聖旨體例裏不棟甚麼差發休着者與咱每告天祈福者麼道泰安州有的泰山東嶽廟住持提點通義守正淵靖大師張德璘生每根底執把行的聖旨與了也這的每廟宇房院裏使臣休安下者鋪馬祇應休拿者商稅地稅休與者但屬他每的水上園林碾磨鋪席不棟甚麼池每的休倚氣力奪要者每年燒香的上頭得來的香錢物件只教先生每收掌者廟宇損壞了呵修理整治者這的每其間裏不檢是誰休入來休沮壞者更這張德璘梁道城根底聖旨與了也無體例勾當行呵他不怕甚麼

聖旨泰定元年鼠兒年十月二十三日大都有時分寫  
來

右碑在州城內嶽廟西偏延禧殿前又有至正四年  
猴兒年聖旨碑其文畧同不錄按元史泰定帝本紀  
有即位一詔與此相類鄙嚙之語播之王言傳之史  
冊貽笑後人然其曰每年燒香的上頭得來的香錢  
物件只數先生每收掌則是時香錢固未嘗以入官  
也後世言利之臣蓋元之不如也已

靈巖寺宋李迪詩

大丞相文定公游靈巖詩

靈巖山勢異金地景難窮塔影遮層漢鐘聲落半空千  
峰羅雉堞山如城壁之狀萬仞聳屏風飛鶴來清竇有雙鶴泉刻魚

掛古桐名曾參四絕峰合亞三公勢激河濡遠行差嶽

鎮雄僊閣隣峻極月觀伴穹崇遂洞連蓬島重巒鑿梵

宮山而有證望應銷俗慮登喜出塵籠獻壽嵩衡並分

茅岱嶽同艮方標出震午位對升中嵐滴晴烟碧崖鋪

夕照紅巍莪齊太華奇勝敵崆峒鍊句供詩客模真怯

畫工天孫分怪狀神化結全功吟賞墉回首林泉與愈

隆

先丞相天聖間嘗留詩寺壁後土僧刻石逮今歲久字

畫利缺因命工再刊石紹聖五年三月中泚日姪曾孫

新清州白馬縣主簿李侃敬書

右小石刻在濟南府長清縣靈巖山中寺具山距府  
九十里南接泰山北帶龍洞齊乘以為疑即水經之

玉符山而魏書所云朗公谷者在其東南自前代稱  
為勝境宋元金八題字最多予至則當兵火之後縱  
橫偃蹇委之荆棘瓦礫之中然猶得唐一宋金元合  
四十餘元以後不能悉數唐刻為天寶十一載造舍  
利函記文不工不足錄而宋刻年月序次以此首按  
史季迪謚文定前後三知兗州其再任乃仁宗天聖  
中也

滕涉詩

天聖戊辰歲七月奉詔解青社印趨闕粵十四日道出  
魯經靈巖之山靈巖古地也山經地志頗載奇勝因飭  
駕游于是於時金火交勝天宇如灼周覽未卒頓獲清  
涼蓋古之君子登名山覽絕景思有以不忘者矧今相

國隴西公復題名于壁余因命筆以繼君子之行兼記  
歲月而已 行右諫議大夫前知青州軍州事滕涉  
山半舊招提捫蘿躡石梯佳名標四絕勝境出三齊殿  
古烟霞窟庭深檜柏蹊巖靈分地界雲險接天霓香篆  
清風裊松廊翠巘低飛塵無路入幽鳥隔巖啼夢破泉  
聲急飄涼竹韻淒微陽生頂上殘月落峰西暫到猶塵  
慮長居信覺迷致君功業就向此卜幽棲

祖無擇詩

寺有四絕一曰靈巖余以赴官獲茲稅鞅因賦拙句用  
志其行 新通守濟南祖無擇

嘗想靈蹤得道難日回征轡此盤桓松風逗磬僧齋冷  
石水環堂客夢寒聖作儼同堯典布

寺有偃蓋松白鶴泉皮太宗皇帝御

製御 古碑猶是魏朝刊最憐山色當樓好欲去重來一  
憑欄

景祐五年十月廿三日

范知章題名

高平范知章希聖公量錢第敏求赴官相臺太原王廣  
淵同來題

治平四年十月二十日寺至賜紫廣化大師記

孔舜思詩

題靈巖寺 尚書職方郎中通判齊州孔舜思

忽從平地出塵籠親到諸天擇梵宮却悟冗官長投物  
爭如大士日談空山橫青壁千層合泉迸丹崖一線通  
幽鳥靜啼人外境疎鐘不墮世間風目無可欲猿獠伏

心絕微塵水鑑融自恨無緣陪宴坐它生願效種松翁  
熙寧九年丙辰十月 日住持傳法賜紫沙門集 立  
石

張會宗詩

留題贈靈巖鑿公禪師 守秘書丞分司南京張會宗  
人中令德居高地天下精蓋占好山四絕名標清世上  
十方僧聚白雲間二龍珠照看經靜寺僧謂予曰此寺  
嘗有識者曰二龍  
玩珠  
勢也雙鶴泉供洗鉢間早晚利榮疆鎖脫性通三教扣  
禪關

丁巳三月二十七日

鮮于侁詩

留題靈巖寺七言一首兼簡載師長老 鮮于侁

馬煩策策車馳轂終歲塵勞常碌々喜聞巖寺並山中  
路倩轉溪入幽谷乍行山口疑洞天窮深一上翻平田  
千層臺殿隱林木四面石壁生雲烟山僧迎門笑相揖  
為語祖師存往迹屈指于今八百年已在西來達乎前  
鶴鳴飛止黃金地錫杖湧起清涼泉境稱四絕名天下  
天台石橋乃其亞千峰不改歲寒時一水最憐秋月夜  
半生游學頗艱辛且向空山老此身也知方丈安禪處  
解笑東西南北人  
元豐二年正月五日住持傳法賜紫守載立石

寬亭卞詩

留題靈巖古詩十韻

寬亭卞卞字下缺石一角

屈指數四絕四絕中最優此景冠天下不獨竒東州夜

月透巖白亂雲和雨收甘泉瀉山腹聖日穿崖頭大暑  
不知夏爽氣常如秋風高松子落天外鐘聲浮祖師生  
朗石古殿名般舟人巧不可至天意何所留老僧笑相  
語此事常窮求移出蓬萊島待吾仙子遊  
元祐庚午三月二十八日東武王璞書

蔡安持詩

四絕之中處最先山圍宮殿鎖雲烟當年鶴馭歸何處  
世上猶傳錫杖泉  
元祐壬申十月中浣睢陽蔡安持資中題

杜欽况詩

靈巖行 杜欽况

山迴路疑絕林深秘巖扃鑿翠出金碧開軒列雲屏希

有昔成道久矣斯巖靈法定卧蒼壁白日穿空明金威  
指泉竇一鑿秋寒澄定水供言衆不縮亦不盈如公禪  
中秀于世本無營聊爲出山雲乘風任縱橫坐令多寶  
藏百神轉雷霆夜月嘯雕虎玉匣開晶熒笑指入解池  
外流中不傾何必空山雷始悟物我情  
宣和六年三月廿七日書

王淵題名

方渠王淵幾道緣職事訪如師和尚偏觀靈巖勝迹當  
日迴歷下

宣和己巳六月十二日書

金玉珩詩

巡按詣靈巖名刹禮佛焚香憇坐于超然亭覽堂頭琛

公佳製謾繼巖韻 山東路提刑王府

鍾山英秀草堂靈林下相逢話愈清間道謀身直勇退  
得閑何必待功成

明昌五年十月十五日上方靈巖禪寺住持傳法沙門  
廣琛立石

路拍達詩

琛公堂頭和尚有題超然亭頌因次其韻 冀州節使  
路伯達

六合空明現此亭本來無垢物華清客來便與團樂坐  
萬偈何妨信手成

明昌五年十二月十五日上方靈巖禪寺住持沙門廣  
琛立石

元儂亭詩

至正乙未秋九月因公赴山東遊靈巘禪寺

秋晚登臨上岱宗扶筇來此謁崆峒閒雲送雨過深洞

老鶴將雛反遠空白日清泉水未了黃花紅葉思無窮

攜書歸隱知何日生想□□入夢中

靈巘山房尋同年長清縣尹張君德昭不過

慈恩塔上題名後京國分攜十四年夢想故人詩句裏

坐看黃菊酒杯邊停雲霽、秋容淡落葉蕭、客恨偏

獨倚□□重搔首又鞭歸騎過前川

丙申春三月海嶽降御香回重遊靈巘次題明叔詩韻

石徑穿雲雨意涼乘軺重過老僧房門前古栢凝新翠

巘畔幽深散異香鶴舞雙泉春水綠龍歸深洞暮山蒼

禪僧久已無拘礙笑我狂遊去遠方

前進士應奉翰林文字承事郎同知制誥兼國史院編

修官傅亨題時弟蓋男文炳侍行云

右石刻大小不一凡十三通俱在靈巘寺其它刻宋

時者則有田禎五言詩嘉祐五年王達千佛殿記元

豐庚申李公顏金像記元祐壬申卞育遊山記大觀

戊子郭思遊山記大觀三年住持仁欽篆書、心經

大觀四年仁欽生老病死苦頌仁欽十二時歌仁欽

靈巘十二景詩政和元年淨熙和尚誠文政和五年

劉付政和乙未趙子明題名靖康元年高直臣題名

而蔡卞經碑四幅前元符二年十二月十三日書後

建中靖國元年十一月五日書在御書樓下特為書

家所珍又有面壁像碑宋建中靖國元年陳思道記  
 金皇統七年重立金時者則有皇統七年雲公禪師  
 像正隆丙子張汝為題名大定戊戌蕭守中題名明  
 昌六年本寺田園記明昌七年黨懷英靈巖寺記元  
 時者則有蛇鬼年大元國師法旨碑蒙古字至元龍  
 兒年帝師法旨碑蒙古寺大德六年天童覺和尚默  
 照銘至正四年察罕普華碑書唵嘛呢巴彌吽一行  
 漢字一行蒙古字凡元碑最多不錄盡其稍異者  
 有至治元年忽都虎郡王太夫人八達氏詩只二  
 句曰巖前松檜時綠殿上君王歲春大字刻之  
 亦不類婦人筆也又有宋蕪子由五言驗為後人補  
 刻而復有子瞻徐州一歌誤刻于此其詩各見集中

不錄後之君子知予之所取者非以二氏之狂瀾拾  
 寶關朝之落豔而情深好古意在闡幽自有不能已  
 者且用以覽世道之汚隆考文辭之醇雜亦豈不為  
 乎人之一助哉

唐岱嶽觀雙碑

西一碑此面第一層

顯慶六年二月廿二日 勅賜東岳先生郭行真弟子  
 陳蘭茂杜知古馬知止奉為皇帝皇后七日行道並造  
 素像一軀二真人夾侍

大周萬歲通而二率歲次丁酉東明觀三洞道士孫文  
 儻奉 而冊金輪聖神皇帝肆 勅將侍者姚欽  
 元詣此嶽觀祈請行道事畢敬造石而尊像一軀並二

真人夾侍庶茲景福永奉聖躬聊記其率用傳不朽  
專檢抄博城縣主簿關彥博錄事張則上

第二層

皇

久視二年太歲辛丑丑區乙亥朔二①丙子神都青元  
觀主麻慈力親承聖旨內賫龍壁御詞繪帛及香等物  
詣此觀中齋醮功畢伏願我星萬福寶業恆隆敬勅□  
□□齡冀同礪而無朽 侍者道士麻弘倩 祇承官  
朝散郎行兗州都督府叅軍事攝功曹房希聖 祇承  
官登仕郎行兗州都督府錄事劉懷彥儀鳳三年三月  
三日大洞三景法師葉法善等奉勅于此東岳修齋設  
河圖大醮所有□絲等物敬造壁畫元始天尊萬福天  
尊像兩鋪功德即畢立石紀年此條在左方按儀鳳是  
高宗年號反在武后之

久視二年至劉懷彥  
第二層

後不  
可解

第三層

大周長安四率歲次甲辰十一區癸未朔十五①丁酉  
□□觀威儀師邢虛應法師阮孝波承議郎行宮□承  
劉懷□都□□奉勅于東岳觀岱岳觀中建金籙大  
齋卅九日行道設醮奏章投龍薦璧以本命鎮絲物奉  
為皇帝敬造石天尊皇上天尊一鋪十事□壁畫天尊  
一鋪十三事敬寫本際經一部度人經十卷欲茲功德  
奉福墜躬其區四②前行道之時忽見③彩揚光加以  
抱戴俄頃之際雲色稍殊遂有紫霞間起黃雲聿興遍  
覆靈場並成輿蓋觀斯嘉瑞敢不書之齋醮既終勒文  
于石 岱岳觀主倫虛白 專當官宣德郎行兗州都

②

督府叅軍事王處廉 專當官宣德郎行兗州 主簿 韓仁忠 專當官岳函劉□□

第四層

大歷八年建醮并造碑樓題名剝蝕不全

西碑南面第一層

大周壻歷元年歲次戊戌臘<sup>②</sup>癸巳朔貳<sup>①</sup>甲午大弘道觀主桓道彥弟子晁自揣奉勅于此東岳設金籙寶齋河圖大醮<sup>③</sup>行道兩度投龍遂感慶雲三見用齋醮物奉為冊金輪壻神皇帝敬造等身老君像一軀並二真人夾侍 兗州團練使都虞侯銀青光祿大夫試衛尉卿上柱國高晃 兗州團練使押牙忠武將軍守左武衛大將軍上柱國趙俊 專當官博城縣尉李

州

嘉應

此三人官銜書作五行從左方起

第二層

大周長安四率歲次甲辰玖<sup>①</sup>甲申朔八<sup>②</sup>辛卯勅使內供奉襄州神武縣雲表觀主玄都大洞參景弟子中岳先生周玄度并將弟子貳<sup>③</sup>至金州西城縣玄宮觀道士梁悟玄奉參<sup>④</sup>貳拾玖<sup>⑤</sup>勅令自於名山大川投龍壁修<sup>⑥</sup>上高元金玄玉清九轉金房度命齋三<sup>⑦</sup>三夜行道陳設醮禮用能而<sup>⑧</sup>出清和風雲靜默神靈效社表壻壽之無窮者也 專當官朝散郎行參軍燉煌張俊并書 專當官文林郎守博城縣主簿韓仁忠 專當官軍德郎行□□□劉玄機

第三層

卅

大唐景雲二年歲次辛亥八月癸卯朔十四日景辰蒲  
州丹崖觀上坐呂皓奉 今年閏六月十九日勅往東  
岳及萊州東海投龍并道次靈跡修功德將弟子二人  
蒲靈仙觀道士杜含光丹崖觀道士王元度道士孫藏  
暉于此三日三夜卅九人金籙行道設齋醮并投龍  
朝議郎曹參行倉軍陸大鷄 朝議郎行兵曹參軍  
高峻 通直郎行參軍袁幹 持宣義郎行瑕邱縣丞  
裴遇等奉都督齊國公崔處分令此起居呂尊師時屬  
仲秋謹題斯記

第四層

大唐太歷七年太歲壬子正月癸未朔廿三日乙巳春  
勅于岱岳觀修金籙齋醮及于瑤池投告事畢故題記

大

修功德中使內侍魏威信 判官文林郎守內府丞  
劉元載 判官掖庭局丞楊彥瓌 小使掖庭局丞魏  
貴珍 使內供奉道士申升玄 使翰林供奉道士王  
瑞靜 山人王昌字 弟子道士李日榮 駱真運大  
叔法澄 行官陳顯 同勾當官朝議郎行乾封縣尉  
郭瓊 專知齋醮檢校官朝議郎行兗州府參軍王楚  
李志晟張守珪 行官郭元光劉仙口  
第五層題名 不全

東一碑北面第一層

大周而禱二率歲次辛卯二(卅)癸卯朔十(卅)壬子金臺  
觀主中岳先生馬元貞將弟子楊景初郭希元內品官  
楊君尚歐陽智琮奉壘神皇帝勅緣大周革命令元貞

塵

往五嶽四瀆投龍作功德元貞于此東岳行道章醮援  
龍作功德一十二①夜又奉勅敬造石元始而尊像並  
二真人夾侍永此岱岳觀中供養 祇承官宣德郎  
行兗州都督府倉曹參軍事李叔度

第二層

長安元率歲次辛丑十二月己亥朔廿三①辛酉道士  
金臺觀主趙敬同侍者道士劉守貞王懷亮等奉十一  
匝七②勅于此泰山岱岳觀靈壇修金籙寶齋三③三  
夜又于觀側靈塲之所設五嶽一百廿槃醮禮金龍王  
壁並投山訖又④鎮綵紋繒敬造東方玉寶皇上而尊  
一鋪並二真人仙童仙女夾侍⑤口口口口供養其⑥祥  
風暫息瑞雲便停香燭氤氳⑦匝明朗神靈降祉吉祥

匝

事畢故刻石記時勒名題⑧ 專當官宣義郎行博  
城縣丞公孫⑨ 專當齋并檢抄像官博城縣主簿登  
仕郎董仁智 都檢抄官承議郎兗州大都督府戶曹  
參軍王果

第三層

大唐神龍元年歲次乙巳三月庚辰朔廿八日丁未大  
知道觀法師阮孝波道士劉思禮品官楊嘉福李立本  
等奉勅于岱岳觀建金籙寶齋卅九人九日九夜行道  
并設醮投龍功德既畢以本命鎮絲等物奉為皇帝皇  
后敬石玄真萬福天尊像一鋪 給事郎諡太子中允劉秀良書

檢抄尚書駕部郎中使持節都督兗州諸軍事兼兗州  
刺史侍御史元 本州團練使任要貞元十四年正月

造 充

十一日立春祭岳遂登太平頂宿其年十二月廿一日  
立春再來致祭茶宴于茲

同遊詩客京兆韋洪押衙王遷運 乾封縣令王怱尉  
邵程嶽令元冥造車十將程日昇後到續題 給事郎  
試太子中允劉秀良書

此因神龍記後石有空處遂附題焉中唐以至宋初  
太率如此其書從左方起

### 第四層

大唐景龍二年歲在戊申二月甲子朔十二日乙亥大  
龍興觀□□□□勅往東嶽陳章醮薦龍壁以其月廿  
七日辛卯于大嶽觀并上□□□□設金籙行道九日  
九夜燒香然燈并設五岳名山河圖等醮□□□功德

成

隆

事畢奉用本命紋繒及餘鎮絲敬造鎮國天尊一鋪一  
十六事□□□皇猷永固與靈岳而恆安國祚長龍等  
玄都而自久朝議郎行兗州□□□軍事王翰朝散郎  
行兗州都督府參軍事上柱國兼直安樂公主府□□  
□乾封縣令上柱國張懷貞儒林郎行乾封縣主簿  
騎都尉韓仁忠等恭承睿旨沐浴身心虔拜靈壇勤亦  
至矣稽首無上而為讚曰泰山巖々兮凌紫氛中有群  
仙兮乘白雲陳金薦璧兮□□□臘月中與韋戶曹  
遊發生洞徘徊之際見雙白蝙蝠三飛洞門時多異之  
同為口號 任要 山翠幕靈洞々深玄想微一雙白  
蝙蝠三度向明飛雖然有兩翅了自無毛衣若非飽石  
髓那得凌□□偶見歸堪說殊勝不見歸 同前韋洪

欲驗發生洞光開冰雪行窺臨見二翼色素飛無聲  
狀類白蝙蝠幽感騰化精應知五馬來啟蟄迎春榮露  
冕口之久鳴騶還慰情此亦附題  
從左方起

東碑南面第一層

大唐景龍三年歲次己酉三月戊午朔十九日景子奉  
勅令魏州龍興觀主杜太素蒲州丹霞觀監齋呂皓仙  
京景龍觀大德曹正一寄三人于此泰山岱岳觀建金  
籙大齋報賽前恩追濟兗等州大德卅九人七日七夜  
轉經行道設河圖大醮更祈後福以申告請七日之中  
遂呈四瑞白鶴騰輝拂霞莊而矯色黃雲覆彩映巖穴  
以通光絲雨飛禎家示九年之蓄烏曩抱戴壽延千載  
之君記時日子青郊勒奇工之翠琰夾紵像一鋪十事

等

二聖本命鎮彩修造

戶曹盧近觀 縣令張懷貞 主簿韓仁忠

第二層

景雲二年勅已見前

開元十九年十一月都大弘觀道主張遊霧京景龍觀  
大德楊琬建立真君于此修齋三日三夜專當官朝散  
郎曲阜主簿上觀賓登仕郎乾封縣尉王去非瑕邱尉  
攝此縣盧昊

第三層

歲六月我皇有意于神仙勅使正議大夫內給事梁思  
陀寺伯俱玄明等與道士任無名于東岳泰山投龍合  
練寵以紫綵送以紺錢皇、焉濟、焉乘傳而來矣都

督韋君仰祇帝命遠挹使車爰擇幹明式經構葺朝議  
郎行功曹蓋寡疑宣德郎行參軍李烈恭行郎命屆茲  
岱嶺因太山之木用近土之人鑿碧巘壘丹灶列星柱  
亘虹梁匠無宿春農不下壘嘗未洽日厥功已成棟宇  
以來莫籌其速乾封主簿趙存持劇務以應諾總群事  
而趨走恪勤匪懈不遑自寧息徒庇工刻詞貞石于時  
開元八年歲次庚申七月壬子朔廿日辛未畢此功也  
瑕邛尉攝此縣盧昊

第四層

開元十年二月八日勅使內侍者內謁者監胡寂判官  
掖庭局監作窳君愛口上騎都尉王元德專知官登仕  
郎行乾封縣尉王去非 驅使官梁瓌題記以上從左  
方起

已見第四頁

押

緇州判史王圓山人王昌字大歷十四年二月廿七日  
同登泰岳時真君道士卜皓然萬歲道士郭紫微各攜  
茶藥相候于迴馬嶺同憇于王母池登臨之興無所不  
至已上從右  
方起

第五層

平盧淄青支度判官中大夫檢校尚書工部郎中兼侍  
御史敬謩 節度神牙中大夫試殿中監馮珣 山人  
呂滔 文林郎守兗州府兵曹參軍田浩 文林郎任  
城縣尉高鏗 朝散大夫行任城縣令權知乾符縣令  
楊序 節度驅使官朝散郎試光祿寺主簿明卓 唐  
建中元年二月廿九日同口口岳因訪瑤池故志之  
東側面

早春陪勅使麻先生祭岳詩已見前

西側面

五言贈諸法師 宣承郎行博城縣丞公孫杲

鸞鶴排朱霧乘鸞入紫烟凌晨味潭菊薄暮玩峰蓮玉  
葉低梁下金颺引窓前嘯傲雲霞際留情鱗羽年

西側面各有題名限雜不錄西側面上有一題名云  
長清董元康權宰奉高受代將歸同王彥文遊政和  
甲午重九日崇道繼至惟此一條是宋人書

唐李夔詩

恒嶽晨望有懷

定州司馬李夔

二儀均四序五嶽分九州靈造良難測神功匪易酬恒  
山北臨岱秀峒東跨幽傾洞鎮河朔差莪冠嵩邱裡祠

頌

誠詎

彰舊典壇廟列平疇古樹侵雲密飛泉界道流從官叨  
佐理銜命奉珍瑗薦玉申成效鏘金諒有由郊原照初  
日林薄委徂秋塞近風聲厲川長霧氣收他鄉饒感激  
歸望切祈求景福如光願私門當復侯

右詩在真定府曲陽縣北嶽廟中廟有唐時大碑五  
其一韋虛心文陳懷志書行草其一張嘉貞文自書  
其一鄭子春文崔鑲八分書其一李荃文戴千齡八  
分書其一劉端文王知新書行草碑陰及兩旁刻字  
皆滿其上層為積土所蓋而余至時倉卒求梯不可  
得止就下方讀之大率皆貞元至天祐十數朝祭嶽  
題名亦有宋人刻字獨此詩在韋碑後文雖不工然  
予見近代君子搜剔唐人之詩至于無名氏不知何

代人之作皆收而附之而此灼然不誤者乃不得與  
斷簡殘編之列又北嶽廟自大碑之外絕無題詠故  
特錄焉又有宋王禹偁陳彭年韓琦三大碑及白憲  
書石幢一字皆可觀而稚圭自書逼真顏魯公世人  
傳其字者罕也

李克用題名

河東節度使檢校太保同中書門下平章事隴西郡王  
李克用以幽鎮侵擾中山領蕃漢步騎五十萬衆親來  
救援與易定司空同申祈禱翌日過常山問罪時中和  
五年二月廿一日克用記易定節度使檢校司空王處  
存者題至三月十七日以幽州請就和斷遂却班師再  
謁晬容兼申賽謝便取飛狐路却歸河東克用重記小下

金石文字記跋

字云天會十二年七月六日尚書都  
官員外郎知曲陽縣事高君陳模刊

右石刻在北嶽廟中大字甚佳克用沙陀之子不聞  
工于筆法宣和書譜謂朱梁太祖批答賀表當是筆  
吏所書此亦其類與宋沈括筆談云嶽祠在曲陽祠  
中多唐人故碑殿前一亭中有李克用題名則知此  
字當時所刻或燬于靖康之兵火而金天會十二年  
重刻之金石也又存中言北嶽常山今謂之大茂山  
是也半屬契丹以大茂山分脊為界  
嶽祠舊在山下石晉之後稍遷近裏今其地謂之神  
棚却恐未然按碑宋初祠為契丹所焚淳化二年曾  
遷而唐朝巨碑皆在其中亦非徙至者也王貞遊三  
關記云廟貌著于唐不自宋始可信

今

蘇軾禱兩嶽祠同李之儀李士龍郭長卿孫敏行  
賈溫之

右小石刻舊在嶽廟今移縣治賓館又有子瞻書詞  
歸去來兮一闕清夜無塵一闕九十日春一闕用石  
二片西面書之舊在縣西北二里水竇巖今移岳廟  
皆大字其詞見蘇文忠公集中

吳越武肅王墻隍廟記

重修墻隍神廟兼奏進封崇福侯記  
若夫冥陽共理之規人神相贊之道傳于史冊今昔同  
符切以浙東地號奧區古之越國當舟車輻湊之會是  
江潮衝要之津自隋末移築于墻因遷公署據臥龍之

波

高阜雉堞穹崇對鏡水之清液風煙爽朗緬惟深固宜

叶冥扶故唐右衛將軍愬管龐公諱玉頃握圭符首臨

戎政披榛建府吐哺綏民仁施則冬日均和威肅則秋

霜布令屬墻愛戴黔庶謠尋而罷市興嗟餘芳不泯

衆情追仰共立嚴祠鎮百堆之岡巒宰軍民之禍福殿

堂隆邃儀衛精嚴式修如在之儀仰託儲靈之蔭往載

釁生劉氏妖起羅平子躬稟睿謀茶行天討數年擐甲

兩復越墻皆資盼蠻之功以就戡平之業特為重增儀

像嚴潔牲牢邇來四野無塵重門罷柝丁卯歲揚旌東

渡巡撫軍民躬奠椒漿目瞻靈像每暢吳風越俗共歌

道泰人安昔為兩鎮之疆今作一家之慶遂馳箋表請

降封崇所冀朝恩與西使始收齊標疑有誤美稱共泰

漢牧

宋蘇軾題名

巒對聳尋蒙天澤果賜允俞頌崇福之嘉名昇五等之尊爵其所奉勅命具列如左 右小字

勅鎮東軍墻隍神龐玉前朝名將劇郡良材傾當作因剖竹之辰實有披榛之績當作緝當作緝當作吏民豈

獨遺愛在人抑亦垂名終古况錢鏐任隆三鎮功顯十臣能求福而不回致效靈而必應願加懿號以表冥符

宜旌茂業之功用顯優隆之澤宜賜號崇福侯仍付所司牒至准勅者 右大字

噫乎人惟神祐神實人依爰自始建金湯肅陳祠宇奠茲中壘三百年來雖享非馨未登列爵今則值予佐國

連統藩維啓吳越之雙封為東南之盟主况遇金行府籙梁德克昌道既泰于君臣澤遂加于幽顯獲申奏薦

遽降徽章今則象軸煥新龍綸遠至表勲名于萬代昭

靈感于千秋固當永荷王私長垂幽贊保我藩宣之地遐清災沴之源共泰斯民永安吾土烜矣赫矣永作輝

華今當吳越雙封一王理事亦仗土地陰騭冥力護持神既助今日之光榮予亦報幽靈之煥耀但慮炎涼改

易星歲但遷不記修崇莫源事始聊刊貞石以示後來時大梁開平二年歲在戊辰 月 啟聖匡運

同德功臣淮南鎮海鎮東等軍節度使檢校太師守侍中兼中書令吳越王鏐記

右碑在紹興府卧龍山西岡上城隍廟中此碑以城為墻以戌為武問之越人皆茫然莫對錢塘吳任臣

博物君子也一日予舉此碑詰之答曰五代史梁本

紀註曰梁嘗史戊曰武朱溫父名成戊字類成故改之  
之城之改墮亦此故也然本紀言溫父名誠非成亦  
豈歐陽公誤耶 予按舊唐書哀帝紀天祐二年  
七月勅全忠請鑄河中晉絳諸縣邛縣名內有城字  
並落下如密鄭絳蒲例單名為文九月勅武成王廟  
宜改為武嗣王十月勅改武德軍 曰武順管內橐  
城縣曰橐平信都曰堯都樂城曰樂氏阜城曰漢阜  
臨城曰房子避全忠祖父名也十一月勅改路州路  
城縣曰潞子黎城曰黎亭又勅改河南告城縣曰陽  
邑蔡州襄城縣曰苞字同州韓城縣曰緯元絳州翼  
城縣曰澮州鄆州郟城縣曰萬安慈州文城縣曰屈  
邑澤州青城縣曰高都陽城縣曰獲澤安州應城縣

曰應陽洪州豐城縣曰吳高又按五代史成德軍梁  
初以成音犯廟諱改曰武順其曰音則以二字同音  
而避之禮所謂嫌名者非誤也又曾子固因跋韓公  
并記云城改為墮音梁太祖父烈祖名誠當時避之  
此更可據然因成而改戊甚為迂曲周公謹齋東野  
語亦云此全無義理又戊本音茂不知何以有武音  
而鄭樵謂十辰十二日皆為假借甲本戊甲乙本魚  
腸丙本魚尾丁本蠆尾戊本武己本凡又不知其說  
何所本也

又按城墮二字始見於易文城復于墮之文說文墮  
城地也有水曰池無水曰墮而非以為神也禮諸侯  
祭五祀而國門居其一鄭氏以國門為城門則始有

祭城之說而非以為一國之主也洪武二年禮官奏  
城隍之祀莫詳其始唐陽冰縉雲城隍記謂祀典李陽  
無之惟吳越有之然成都城隍祠太和中李德裕所  
建而張說有祭城隍文韓愈有祭潮州袁州城隍文  
杜牧有祭黃州城隍文則不獨吳越也蕪湖城隍建  
于吳赤烏二年北齊慕容儼梁武陵王祀城隍神皆  
書于文則又不始于唐也予考其所云赤烏年者固  
不足憑而大約起于南北朝之世至唐末而無地不  
祠無州不祭又必指一人以當之如吳之春申君永  
嘉之周苛南昌之灌嬰潤州之紀信而此郡則以為  
前總管之龐玉地祇人鬼合為一身祀典之不經至  
斯而極已或曰如子之言則令申所封為神者非典

非人鬼也而可以察人間之善惡與曰奚不可我在  
古有之國社里社庶人所得而祭也啓之戰甘曰不  
用命戮于社而王莽之誓其下曰有不為新室者社  
鬼記之是固以土神而司生殺之柄者也今之城隍  
古之社也名異而寔同國家之所奉神則憑焉不必  
其託于人鬼而後能靈爽也予既錄此碑封號而慮  
為後人之謠鬼者助之左證也故并論之

宋勅碑

勅賜昭祐公碑 碑額篆文

尚書省牒 越州顯寧廟昭祐公 大字

大常寺狀准尚書省劄子三省同奉聖旨駐蹕會稽今  
已逾歲妖祲不作行殿載寧越州城隍廟崇福侯可特

賜額封公竝今太常寺擬定申尚書省依准今降聖旨  
指揮欲擬昭祐公伏乞朝廷詳酌指揮施行申聞事  
城隍廟崇福侯 右小字

牒奉勅朕展義東南駐蹕都會宮室城郭之必葺殆歲  
之周氣稜妖孽之弗興繫神之祐是用錫上公之尊爵  
加二字之榮名不顯其光庸示無窮之報自今以始常  
儲有羨之祥宜特封昭裕公牒並准勅故牒 右大字

紹興元年五月

牒字上有尚書省印

參知政事張

官銜俱在中半截寫起

尚書右僕射尚書門下省字

少傅鎮潼軍節度使判紹興軍府事兼提舉學事兼管  
內勸農使充兩浙東路安撫使馬步軍都總管信安郡

王食邑柒千貳百戶食實封叁千肆百戶孟忠厚 立石

右碑在城隍廟中其陰大書曰賜顯寧廟額勅按宋  
史建炎四年四月癸未帝駐蹕越州五月癸丑以張  
守參知政事與碑合

晉祠宋人題名

熙寧戊申歲秋九月十四日范陽盧大雅君美臨川王  
安禮和甫清源王本安國同謁晉祠舍均福堂明日如  
白雲石甕宿明仙又明日遊甘泉開化而歸本題 本字  
从木

十从

太原王安修世長廣平程易先之安陽蔣政渭公熙寧  
癸丑孟夏同遊

龍圖閣學士河東經畧安撫使曾布提點刑獄朝奉大

宋史

卷

三

文彙

夫范子諒躬率寮吏禱兩祠下通判太原軍府事田盛  
高復簽書河東節度判官盧訥知陽曲縣馮忱之走馬  
承受王演檢法官史辯從行元祐丙寅歲七月十三日  
訥謹題 刊者任貺  
開封苗仲淵師顏自湖南提刑移本路政和五年十月  
晦祇見祠下男丕侍

宋王安禮題名

臨川王安禮赴官太原過謁祠下因與錢塘楊世昌河  
南張仲咨會於泉亭熙寧戊申三月十四日題

右題名在太原縣晉祠御書碑陰其碑為晉祠之銘  
并序唐貞觀二十一年太宗御製并書其文世多有  
不錄獨碑陰字體不一其上右方云司徒太子太師

此後見金石文字記晉  
祠銘不歸宋人姓名者  
跋中言之矣

上柱國趙國公臣無忌太子太保上柱國宋國公臣  
瑀特進太子詹事兼左衛率上柱國英國公臣勳光  
祿大夫刑部尚書上柱國勛國公臣張亮禮部尚書  
上柱國江夏郡王臣道宗太常卿駙馬都尉上柱國  
安德郡公臣楊師道正議大夫守中書令太子左庶  
子兼攝吏部尚書護軍臣馬周凡七行則當日題者  
今世流傳摹拓本無此不為完碑其餘則皆宋人續  
題錯亂無次其空處又有洪武二年行者參知政事  
楊憲題而絕無一唐人題者以御書之碑不敢擅刻  
者故也今而錄者四條

呂惠卿記

留題興安王廟 資政殿大學士河東路經畧安撫使

呂惠卿

翦葉疏封意歸禾協濟心遺風因唐遠積德本周深逝  
水悲興廢浮雲閱古今祠宮尚翬翼鳴玉漱松陰

右小石刻在晉祠，距府西南四十里懸甕山之麓  
晉水之所發源後人于此引池結亭駕橋其上杯水  
翳然足為一方之勝其廟負山而東面者晉水之神  
南面者唐叔之神後晉天福中封唐叔為興安王而  
宋時又封晉水為顯靈昭濟聖母飾為婦人之像今  
之人但言聖母而不復知有唐叔為古先有土之君  
矣故特錄此記亦以此祠自唐御書之外別無文字  
故也祠前蓮花臺上有鐵人四一紹聖四年一五年  
造俱完一弘治十一年一無年月俱壞因知今人制

跋  
見金石錄

作不逮古人類如此豈獨文章也哉

惠明寺碑陰題名

普慈王植安陽王孝彥西河文大方臨川王安禮祀神  
歸憩此辛亥三月十四日

太原縣北門外惠明寺塔碑宋元豐八年呂惠卿撰  
并書其陰下方有此三十一大字餘題尚多不錄凡  
碑文必面在先陰在後此碑元豐八年立為乙丑之  
歲而陰所題辛亥反在其前十有四年不可曉也豈  
非惠卿磨去前人之文而自刻之者與其陰歲月之  
猶存則固心勞日拙而亦天地之未盡泯者與夫毀  
人以自成君子之所深戒而今之名公貴人為此者  
比比也嗟夫古碑之所以多不存于世其不以此也

哉

霍山中鎮廟宋陳綱詩

留題霍山應聖公廟 太常博士知晉州陳綱

峻極巍峩勢望雄層巒疊嶂翠重、為神有感興唐祚  
作鎮無疆福晉封材產十州資構厦泉分數邑潤耕農  
幽岩舊榻高人隱絕頂遺墳古帝蹤欲雨片雲生峭壁  
未明先日照危峰斷崖當午晴雷震深壑經秋積靄濃  
樵去每逢遊洞鹿僧禪時見戲潭龍名光祀典傳千載  
御祝牲牢致享恭

大中祥符五年六月二十二日岢嵐軍判官鄭世卿書

栗再興刻字

元趙穀詩

謁中鎮崇德應靈丕廟詩用宋太常博士陳綱韻

凌晨策馬趨靈宮縈紆一徑松蘿重兩山對聳忽開豁  
參差殿闕蒼烟封溪迴路轉得平土雲間雞犬存莊農  
廟庭喬木巢野鶴沙瀨虎蹄遺新踪仰觀絕頂倚霄漢  
陪山劍戟攢群峰霏、嵐光翠欲滴深林錄動春意濃  
包含元氣蓄雷雨巨壑湛蔚歲神龍天香屢降祈年穀  
有司時祀宜彌恭

至正元年秋奉議大夫太常禮儀院判官趙穀謹書

知宮武德柔立石

建文碑

維建文元年歲次己卯二月壬寅朔二十二日癸亥皇  
帝遣序班周敖國子監生素綱致祭于 中鎮霍山之

神曰子荷

昊天祐命承

皇祖丕緒正大寶位

統率神人乃正月壬午祇祭

上帝于南郊山川百

神既興奠享尚以未能特修祀事于祠下為憾是用遣

官奉香幣牲醴致祭維神以靈峻之德作鎮中土時出

雲雨協相兆民以稱予懷柔之意焉尚饗

官及執事生員史典姓名

後列陪祭官霍州知州等

右小石刻一通在霍山中鎮廟西壁上予行天下見

洪武永樂以來祭告嶽瀆之文及它碑記甚多獨未

有建文年者意其在位日淺又或文皇御宇之日

而臣下之獻諛者從而剝去之也乃此文襍于數十

百碑之中而字畫完好無缺故亟錄之後之君子每

痛國史不存建文一代事跡無從考證若使通雅

之士歷深山窮谷而求之如此碑者世間或尚有一

二不止霍山廟也不猶愈于羅永菴之詩程濟史彬

之錄偽撰而無稽者乎因并書之以告後人之能信

古者

大周無上孝明高皇后碑銘 并序

臣聞二儀合德中黃承太紫之庭兩曜齊明玉

兔儷金烏之像是以九霄高映星躔乘娶女之精十野

傍旁作羅媯水叶娥皇之德亦有西陵美族□□軒帝之

宮南上嘉媒入娉夏王之慳其後大任端一即創文□

基大如勤勞還開武運故知皇三事業咸資坤□之功

帝五風謠必藉陰靈之化無上孝明高皇后如農仙掌

人也出自有周盖唐叔虞之後原夫赤烏流火丹雀

○星字垂

土黨 戴字

至人字

丕 初字

聖 聖字

聖 地字 聖字

園 園字

聖 聖字

街書口開夢梓之祥旋茂翦桐之業自唐郊徙邑晉野  
 裁封即昨土而口家啟禎符而得姓周則志為大將承  
 九代之餘資秦則款為上卿居七城之重任豈直口口  
 丹轂金莩寫奕于都畿四代白環玉緒蟬聯于海嶽子  
 雲博識吐鳳搗詞伯起高材銜鱣襲祉誕口不墜降靈  
 相屬神基與紫微爭高仙派共黃河俱遠所以口隆鐘  
 鼎口積衣冠五公則異代相傳八子則珠口間出詳諸  
 太守并州判史昔昌穆侯宏材卓犖峻局深沉丹山有  
 像之口彩綠口見遺風之步蹇惟按俗風行馭竹之郊  
 露冕臨口化偃焚林之阜豈直鄧攸罷郡深嘆雞鳴劉  
 寵辭官方憂天吠祖諱紹後魏征西將軍金紫光祿大

而 日字 天字

聖 聖字

夫兼通直散騎常侍驃騎大將軍周開府儀同三司封  
 鄜城郡公鄜幽燕三州判史贈使持節大將軍成文扶  
 鄧洮五州諸軍事成州判史謚曰信聲飛漸陸響逸鳴  
 臯器重南金材橫東箭謀深八陣勇冠三軍既隆投石  
 之勲果踐銜珠之秩加以金龜結紐銅虎虎字再見末  
 亦然分符轉扇揚風停車待雨童兒結要無欺口之  
 期親友論刑自得二口之詠父鄭恭王諱達周內史中  
 大夫隋開府儀同三司黃門內史吏部刑部二侍郎尚  
 書左右丞趙鄴二州判史工部吏部二尚書納言管東  
 都大監將作大匠武衛將軍左光祿大夫遂寧恭公贈  
 吏部尚書唐贈尚書左僕射垂拱二口封鄭王食邑一  
 萬戶依舊謚曰恭即雍州牧司徒觀德王之季弟也量

包江海氣逸煙霄文則呂氏春秋武則孫吳兵法箕裘  
 代襲鏘々萬石之君禮樂基身翼々千金之子鸞迴玉  
 扎雁落珣弓激水張鱗遙溟渤搏風理翰直上扶搖  
 累踐崇階頻昇顯秩腰鞬北闕位總貔貅曳履南宮聲  
 高鸞鷲貂冠入侍氣應連珠隼旆分班榮參執玉加以  
 累仁鍾祉積德延祥四履開封寵及九泉之路千乘□  
 禮思覃萬古之前棠棣相輝鶴鴿交映劉家兩驥譽滿  
 寰中荀氏八龍名高海內通門向術冠蓋成陰甲第當  
 衢歌鐘就列伏惟無上孝明高皇后資靈□魄毓粹□  
 宮承茂祉于瑤筐降仙儀于金屋聲馳古文北歲潛流  
 夢□之祥譽表笄□暗積捫□之貶蘭襟散馥惠問揚  
 翹懿則重于邦家柔儀冠于今昔忠圖孝範援翠竹而

逆月字○星字

○乘而

縷縷

而

凌霜媛德婉容引青松而冒雪禮枝含秀藻七誠于情  
 田行葉分芳籠九師于性府徽猷內湛韶姿外發懸明  
 鏡于積水之間振清飈于長松之上貞規漢遠亮節秋  
 高翠紅樓□從來未重龍校鳳杼本自多輕簡素鄙擊  
 繡之工靜默尚韋編之道明詩習禮豈唯秋菊之銘閱  
 史批圖寧止春椒之頌學標天縱開道德之清闕業契  
 生知入文章之妙境曾于方寸具寫千言總遊霧于毫  
 端窮偃波于筆杪芝英雲氣入魏帳而分輝龍爪魚形  
 映張池而散彩嘗題一簡密記貞心置以絨膝藏之屋  
 壁云當使惡無聞于九族善有布于四方指此立身期  
 之必遂後因修宅匠者得之恭王見而嘆曰此隆家之  
 女笑昔者書堂欲壞惟聞絲竹之音劍匣將開空覩蛟

卷五

而

而

而

○ ○

卷五

而

而

○

才古錄

文苑

龍之氣未有仁心暗徹睿德冥通橫宇宙而無違滿乾  
 坤而自應若乃行該口義孝極口經親枕席而忘疲候  
 晨昏而靡倦及乎風枝不靜露蓼含哀口厚口而無追  
 仰曾穹而莫報思欲託三乘之妙果憑五演之玄宗永  
 奉嚴親長栖雅志昔隋季喪亂海內沸騰伏鼈垂扇風  
 塵暗起群龍戰野旗鼓潛張白騎于是爭驅青犢由之  
 競擾蚩尤則餐沙食石項羽則索鐵申鉤赤眉探盆子  
 之籌黃巾聚口師之米夫三才合契惟神膺大寶之名  
 大位乘時惟口運洪鑪之德唐高祖神堯皇帝材雄鵠  
 起業峻龍飛用丹宸而寧口將朱旂而撥亂口網既紐  
 竟收龍鳳之圖口角成清遂翦豺狼之毒無上孝明高  
 皇帝觀時有作應運而生先知赤伏之言預識黃口之

兆功深坐樹績茂披荆負伊鼎而口陳謀入張帷而建  
 策龍鈴獨運當赤口之三千獸節長驅偶皇口之百六  
 息崑山之巨燎並藉中權定滄海之橫流咸資上畧志  
 同魚水契若鹽梅如魏武之得荀攸似漢光之逢鄧禹  
 雖英圖盛烈昭鶴鼎于高門而閭則嬪風闕魚軒于中  
 饋高祖神堯皇帝位膺元首任切股肱利涉大川寄隆  
 舟楫式崇勳舊為結潘楊酬功草昧之時賞効雲雷之  
口高后以孝誠純至雅操虛冲拒綈禮于移口誓閑襟  
 于口六塵不染孤標水土之花四諦方披獨晤口中  
 之口泊乎鳳凰開繇猶堅匪席之心烏鵲成橋果迫如  
 綸之命於是使桂陽公主為婚主禮娉所須並令官給  
 既而三口叶兆百兩邀歡與松蘿而比茂偕瑟琴而流

才古錄

文苑

正統

正統  
正統

正鷹

響風閨少女襲蘭蕙而馳芬。慨仙娥韻珩璜而動步。先生綺殿比桃李而增輝。影發春樓視雲霞而掩色。八絃欽其雅躅。四海浥其鴻徽。猶羽翼之宗鸞。鳳風雲之隨龍虎者矣。廟見斯畢。即拜應園。夫正從班列也。于時帝園肇建。王業。基三戶。亡秦覺風塵之始定。四門闢。舜識雷雨之將調。無鬪之妖。息崩山之禍。主上方勤度政。屬想群黎。將貽共理之憂。式廣求賢之務。無上孝明高皇帝以勲兼竹帛。義重金蘭。備歷文武昭昇。內外三踐八元之位。四臨九伯之途中。臺飛署劍之榮。南服總班條之仕。高后以業光圖史。道叶墳簞。欲啟仁明。實資陰助。是以。海令未發。而風移化。穆刑衡澤。將流而。悅呼鷹臺下。尚隔去思。抵鵲巖前。始歌來。

晚俄而高祖晏駕。瞻脫屣而無留。太祖崩號。奉遺弓而積慕。沉綿遽軫。終無就之期。痼疾遙淹。忽切乘之。釁高后哀深。杞堞誓切。柏舟悲一劍之先沉。怨雙桐之半死。昔時寶鏡。愴對孤鸞。舊日瑤琴。悲聞獨鶴。銜冤茹痛。撫總帳而增號。弔影傷魂。踐孀閨而凝慕。方祈淨業。敬託良緣。憑慧炬于幽途。擬慈舟于覺海。于是心持寶偈。手寫金言。字落貫花詞分半。龍藏豈及象負難勝。將佛而長懸。共慈燈而不滅。及龍旌首次。蠶紉遵途。永惟憑附之誠。願託邱榛之側。方冀鸞棲梓樹。近接埏庭。鶴舞松枝。傍依。遂路特以。上車居膝下。爰切掌中。理藉劬勞。方資願復。宣和諭善。屢積葭灰。就。頻移柘火。至永徽六。上母儀萬。位六宮將。

正字

正字

車匹

互

車匹圖互互

勸圖

互

惡圖 君字

齋

互而日

卷〇而

開練當作鍊石之基乃遂顏沙之社大帝以西京命賞平原之秩未弘東漢崇思新野之封猶福于是廣流原霈大啟黃扉稽石窳之遺塵裂寶符之口口即以其口十

一口冊拜代圖夫至食湯沐邑一千戶品忝第一位在

主公母妻之上魚軒水口颺輕影于龍池翬服霞明下

鮮文于鳳掖榮由德被位匪思昇驟應佳名徒昭洪澤

以顯慶五口十口轉拜榮夫尋改封鄮圖夫口自

家疏槐里門荷椒庭累沐殊輝頻應茂典南隣夜口奏

鐘磬于高臺此里晨通列笙竽于廣榭門有躡珠之客

家豐饌玉之廚恒處逸而思勞每將昇而必降綠墀青

瑣時忿王根火布金蛇深非梁冀謙偽之美萬口仰而

知勤端潔之風九圍欽而取則智周寰宇識洞古今思

所以匡罔庇口濟時軌物嘉謨謹說屢發于神襟厚利

豐功頻彰于帝念奉便削藁口莫能知每以孔光秘言

合為口之道山濤密啟得事口之要可久可大置黔首

于生成惟幾惟深頓蒼元于覆口至若緣情體物屬事

比辭取之以義方先之以風化清詞海富綉藻雲繁凡

所著述皆成典訓其動也方其靜也直其思也若春雨

之流津其威也若秋霜之應節接上以禮逮下以仁君

子感其德小人懷其惠口機獨轉靈臺迴燭虛鑒與口

口齊明神理共陰陽比奧洋々乎不可得而稱也既而

離宮霧闢遙橫口乳之山別館口開上戴口眉之宿甘

泉避暑方陪萬乘之遊景福追涼更扈六龍之駕不謂

灾纏霧露疾積膏肓丹宸凝慈召名醫而接軫紫霄流

乘正日

聖

綽

園生

聖

聖

聖

正日

聖

乘鳥正

正日

園生

出賜

園

正

聖

正日

屋下珍藥而相望王金徒煎竟之長生之術金丹莫就  
 終無駐壽之期威亨元口八口二口崩于九成宮之山  
 第春秋九十有二上以身齊霄極禮闕晨昏戀隔九  
 重望長筵而下泣心馳五起瞻厚禱而含悲大帝慮不  
 勝哀秘茲凶問首筵欲對仍流不次之恩某服將臨更  
 下非常之澤仍改封衛夫以諭上之憂懸也后  
 疾將大漸口落高春雅志無昏神情不撓影隨燈滅自  
 此長辭魂逐香銷終無暫及以為合葬非古禮貴從宜  
 將追因極之慈願在先塋之側上奉遵遺旨無忝徽  
 音割同穴之芳規就循陔之懿躅即以其口庚午閏九  
 辛丑朔廿一口辛酉遷座于雍州咸陽縣之洪瀆原  
 鄭恭王舊塋之左禮也灑其郊原坎口林薄阡眠秦口

關河迴接寶雞之野漢家墳壠平依金狄之川松檟森  
 沈何口鳥住風烟蕭索幾代口亡于是凝恨九泉廢朝  
 三口空山露泣痛結飛行曠野雲愁悲纏草樹乃下制  
 贈魯大夫謚曰忠烈仍令司刑太常伯慮承慶攝  
 同文卿充監護大使右肅機皇甫公義等為副陽東  
 園秘器每事官供務從優厚仍令西臺侍郎道公戴  
 至德持節弔祭京官文武九品以上及諸親命婦並赴  
 宅弔哭仍送至渭橋葬事並依王禮給班劍四十羽  
 葆鼓吹儀仗送至墓所往還官為立碑親行御扎上  
 因心轉切錫類方加命申莫大之懷冀展飾終之請烏  
 墳欲列思增茅土之儀鶴隴將崇願廣山河之誓遂得  
 五雲飛彩墜仙液于松塋十口迴光披曾輝于萬里乃

文苑英華卷之...

而

聖

聖

末

聖

聖

聖

聖

聖

廡

聖

聖

聖

聖

聖

聖

聖

聖

才

文

下制贈太原郡王妃餘如故所司備禮冊命大帝親御  
 橫門開軒悲哭紫宸哀痛黃屋淒涼口口為之寢光烟  
 雲由其輟色上以幽明永隔此姑長辭終無再見之  
 因鎮結千秋之恨奔曦已遠薦霜董而無口逝水難追  
 饋冰魚而未口又以嚴規早墜遠卜厝于鄉墳慈蔭重  
 傾近陪親于京壠陵塋眇隔長懸兩口之悲關塞遙分  
 每切百身之痛遂命大使備法物自昊陵迎魂歸于順  
 陵焉遊冠遠降墜鳥遙遷方移沛邑之魂更啟橋山之  
 域白雲朝起乍伴龍輜明口宵懸時低蠶衛文明元口  
 上臨朝其年追尊先妃曰魏王妃食邑一萬戶實封  
 加滿五千戶改咸陽園寢曰順義陵大名口啟奧壤口  
 分古樹捎雲近對黑龍之水荒墳映口傍當作鄰丹鳳

之城徽號旣崇園林口廣屬以圖書河洛龜負鳳銜窗  
 闥方員雲攢霧矯合宮重屋既布政而嚴裡玉輦金輿  
 且巡河而拜洛永昌元追尊先妃曰忠孝太后既而  
 謳歌允集獄訟知歸口垂革命之符口涵受終之籙玄  
 珪錫禹還途揖讓之口黑玉歸商即啟休明之運九莖  
 仙草依漢殿而抽芳五色祥雲繞軒營而布彩下從口  
 望上應口心乘寶位于通三建瑤圖于得一黃琮秀璧  
 祀口口郊複廟重檐宗文祖武鴻名筆創光鳳闈于幽  
 泉茂禮將加飾鸞閣于長夜元追尊曰孝明高  
 皇后陵曰順陵復以祥分貝葉瑞演龍花金容開十口  
 之圖玉相告三空之識龍軒黯俄為兜率之口鳳闕  
 峇忽似須彌之座金輪既轉玉鏡方懸式銓無上之

文

全

口

文

去薰

瓜區園

豎坐瓜

惠○○

瓜坐瓜

瓜裕後

區○

區

瓜

坐坐○

文曰顯崇親之義長壽二后位之上又加無上兩字  
 尋又下制改順陵曰望鳳臺東京故事西漢遺塵封樹  
 空存追崇未廣豈若宸襟鎮結長懷露序之哀睿念恒  
 纏永積霜旻之慕遙瞻鳳野式建嘉名遠望鶉郊長懸  
 美稱且夫功成翼贊尚畫雲臺勳擅庸猶題麟閣况  
 乎倪曰茂德貫曰殊禎垂母則于寰區導嬪風于邦曰  
 豈可使炎涼暗積陵谷潛移惟裁舞鶴之松不刻盤龍  
 之石上凝懷萬化長想千齡恐軸之西迴懼曰闕  
 之北轉方圖琬琰式降絲綸永嗟仙鶴之歌用固靈龜  
 之卜微攀輝曰樹沐潤曰潢榮泰綠車職兼青史奉  
 光追遠恒積慕于丹誠相質披文忽承思于紫誥是用  
 恭抽弱思敬述洪猷屑瓦徒勤生金媿妙揮毫奪魄陳

萬一而寧窮伏紙驚魂辭再三而不獲逡巡拜首乃作

詞云

邈矣上古悠哉厥曰迴紫府曰轉黃輿陰陽蕩薄曰  
曰居諸靈龜負識寶鳳銜書其大位既陳三才乃立帝  
 皇鬱起后妃更襲蛟電遙凝虹曰下入渭涘疏派塗山  
 是葺其明高后奕輝光白環代鬱丹轂家昌靈基  
 嶽峻曾派河長捫曰集裕俗曰開祥其爰自生育早彰  
 尊貴曰出曰流青龍翠氣金屋是貯玉衣方萃燕卵非  
 竒雞珠寧異其芝蘭吐葉桃李開花黃雲白氣夜曰朝  
 霞賢明自負仁孝無加曾霄降藥秘篋飛沙其聰晤曰  
 資惠才神與河漢靈匹瀟湘帝女筆動鸞迴絃調鶴儂  
 滌想金曰心寶聚其仙容婉曰艷質裁曰妃耻出

古今錄 全 卷 六 其 仙 容 婉 艷 質 裁 妃 耻 出

世

昭

平

蕭

崇

瓜

瓜清秋霜降

豔

季

古今錄

皇朝文獻通考

媛羞過椒花八頌柳絮縈歌詞峯秀嶽學海馳波其七  
 魴鯉成詩鳳凰開兆琴瑟既合室家斯紹兩鶴齊飛雙  
 龍並繞德行方肅言容是其八九圍母則六合嬪風思  
 留海內化被區中銀環曉上金其九口口口祥開梓闕位冠  
 椒宮其九習禮明詩披圖閱史漢朝馬鄧周其十口姓當作如  
 陰化聿宣坤儀其十一口理貫其十二口驚瑞驚雷送祉其十三口高春忽墜  
 上壽俄褰當作金丹不熟玉釜徒煎黃泉九其十四口白其十五口三  
 口六宮恨積萬其十六口哀纏其十七口一寂寞邱隴淒涼原隰畢其十八口  
 難追終其十九口靡及壘露晨其二十口口口急伏紙銜悲揮毫洒  
 口賢之同盡感昏明之迹襲紀盛德于豐碑冀神  
 永立其二十一  
 二口歲次壬寅金口口己巳木朔五口癸酉金建

右武后改易新字徑全  
 石文字記補之

金石文字記有改

圖 惡 惡

金石文字記有改

右武后革命時所立順陵碑首曰大周無上孝明高  
 皇后碑銘并序特進太子賓客監修其二十一口史上柱國梁  
 王其二十二口三思奉勅撰太子左奉裕率兼檢校安北大都  
 護相王其二十三口旦奉勅書

唐顏真卿蔡州書

真卿奉命來此事期未竟止緣忠勤無有旋意然中心  
 恨其二十四口始終不改游於波濤宜得斯報千百年間察真卿  
 心者見此一事知我是行亦足達于時命耳 人心無  
 路見時事只天知

右唐顏魯公書一通并畫像有題于書之上像之下  
 者曰觀此筆蹟不顯歲月以事實攷之蓋使李希烈  
 時也希烈以建中元年陷汝州盧杞建議遣公奉使

古今錄

皇朝文獻通考

出

昭

平

蕭

崇

瓜園

瓜清秋霜降

長

蘇東坡詩  
瓜園  
瓜清秋霜降

古今錄全

皇朝文獻通考

媛羞過椒花入頌柳絮縈歌詞峯秀嶽學海馳波其七  
 鯨鯉成詩鳳凰開兆琴瑟既合室家斯紹兩鶴齊飛雙  
 龍並繞德行方肅言容是口其八九圍母則六合嬪風思  
 留海內化被區中銀環曉上金口口口祥開梓闕位冠  
 椒宮其九習禮明詩披圖閱史漢朝馬鄧周口姓當作如  
 陰化聿宣坤儀口理貫口驚瑞驚雷送祉其十高春忽墜  
 上壽俄褰當作壽金丹不熟玉釜徒煎黃泉九口白口三  
 口六宮恨積萬口哀纏其十一寂寞邱隴淒涼原隰畢口  
 難追終口靡及糞露晨口口口口急伏紙銜悲揮毫洒  
 泣怨口賢之同盡感昏明之逆襲紀盛德于豐碑冀神  
 猷芳永立其十二  
 長安二口歲次壬寅金口口己巳木朔五口癸酉金建

金石文字記有跋

圖志

金石文字記有跋

右武后革命時所立順陵碑首曰大周無上孝明高  
 皇后碑銘并序特進太子賓客監修口史上柱國梁  
 王三思奉勅撰太子左奉裕率兼檢校安北大都  
 護相王旦奉勅書

唐顏真卿蔡州書

真卿奉命來此事期未竟止緣忠勤無有旋意然中心  
 恨始終不改游於波濤宜得斯報千百年間察真卿  
 心者見此一事知我是行亦足達于時命耳人心無  
 路見時事只天知

右唐顏魯公書一通并畫像有題于書之上像之下  
 者曰觀此筆蹟不顯歲月以事實攷之蓋使李希烈  
 時也希烈以建中元年陷汝州盧杞建議遣公奉使

古今錄

全

四

文獻通考

至正元、年八月丙戌公不幸遇害困躓賊庭者逾  
二年又加于頸而色不變度無還期誓不易節蓋書  
此以自表云重既摹公之像於蒲繪而祠之又訪得  
此石本狀貌老矣公以乾元、年自同徙蒲至奉使  
時垂三十年氣節不喪而狀貌非昔也乃刻石而寘  
之祠堂俾觀者有考焉靖康元年七月壬申朝散郎  
祕閣修撰知同州軍州事唐重書

唐褒封四子敕

敕門下吳穹眷命烈祖降靈休昭之儀存乎記典莊子  
列子文子庚桑子列在真仙體茲虛白師玄元之聖教  
弘大道于人寰觀其微言究極精義比夫諸子諒絕第  
夷其莊子宜依舊號曰南華真人列子號曰冲虛真人

文子號曰通玄真人庚桑子號曰洞靈真人其四子所  
著書並隨號稱為真經宣布中外咸使聞知  
天寶元年二月廿日

宋頒于莊子牒

中書門下 牒

莊子并釋文

牒奉勅莊叟玄言理歸于冲漠郭象為註義造于精微  
既廣玄風實資至治朕仰崇大道俯勸烝民言念此書  
盛行于世尚多躋駁已命校讎將永煥于縑緗宜特滋  
于雕口牒至准教故牒

景德三年八月五日

右諫議大夫參知政事趙

兵部侍郎參知政事馮

宋史

宋史

山中寫詩曰子初後及  
勢任

工部尚書平章事王

唐李肇國史補曰天寶中天下屢言聖祖見因以四  
子學列宮故有偽為庚桑子者其辭鄙俚非聖賢書

劉汾詩

玄談密授函關吏萬古終南一草樓陵谷依然人世換  
冷煙叢柏臥青牛 劉汾

右說經臺之左有碑前為老子函谷度關圖元大德  
庚子刻後為希聲堂碑八分書延祐二年朱象先撰  
而此詩則在碑之左傍亦八分書不著年月詳其風  
致當為元人之作草樓之前傳有老子繫牛柏後人  
琢二石牛置下故末句云然

永壽王詩

隱々樓臺雲外重一溪活水過仙宮上師已化青牛老  
萬木驚秋墜晚風

正德己卯仲秋下旬九日子蒙 聖上准奏容浴溫泉  
便道樓臺既出乃登說經臺但見白鶴飛空蒼松夾道  
予喜不勝又觀

欽差鎮陝劉內輔公佳製不揣僭鄙強和一絕以發一  
時之興耳永壽王題并書 後有印文曰  
永壽王章

漢曹全碑

君諱全字景完敦煌效穀人也其先蓋周之曹武王秉  
乾之機翦伐殷商既定爾勳福祿攸同封弟叔振鐸于  
曹國因氏焉秦漢之際曹參夾輔王室世宗鄠土斥竟  
子孫遷于雍州之郊分止右扶風或在安定或處武都

金石文字記有跋

好

或家隴西或居敦煌枝分葉布所在為雄君高祖父敏  
舉孝廉武威長史巴郡昫恂令張掖居延都尉曾祖父  
述孝廉謁者金城長史夏陽令蜀郡西部都尉祖父鳳  
孝廉張掖屬國都尉丞右扶風掾侯相金城西部都  
尉北地太守父璋少貫名州郡不幸早世是以位不副  
德君童齒孝學甄極志緯無文不綜賢孝之性根生于  
心收養季祖母供事繼母先意承志存亡之敬禮無遺  
闕是以鄉人為之諺曰重親致歡曹景完易世載德不  
隕其名及其從政清擬夷齊直慕史魚歷郡右職上計  
掾吏仍辟涼州常為治中別駕紀綱萬里朱紫不謬出  
典諸郡彈枉糾邪貪暴洗心同僚服德遠近憚威建寧  
二年舉孝廉除郎中拜西域戊部司馬時疏勤國王和

弒

遺

詔 遂

七 臯

悛 忠

德殺父篡位不供職貢君興師征討有吮膿之仁分醪  
之惠攻城野戰謀若涌泉威年諸賁和德而縛歸死還  
師振旅諸國禮遣且百二萬悉以薄官遷右扶風槐里  
令遭同產弟憂棄官績過禁罔潛隱家巷七年光和六  
年復舉孝廉七年三月除郎中拜酒泉祿福長詎賊張  
角起兵幽冀兗豫荆揚同時並動而縣民郭家等復造  
逆亂燔燒城市萬民騷擾人裹不安三郡告急羽檄仍  
至于時聖主詰諷羣僚咸曰君哉轉拜郃陽令收合餘  
燼芟夷殘逆絕其本根遴訪故老商量雋艾王敞王臯  
等恤民之要存慰高年撫育鰥寡以家錢糴米粟賜癘  
盲大女桃斐等合匕首藥神明膏親至離亭部吏王宰  
程橫等賦與有疾者咸蒙瘳快意政之流甚于置郵百

姓襁負反者如雲戢治厝屋市肆列陳風雨時節歲獲  
 豐年農夫織婦百工戴恩縣前以河平元年遭白茅谷  
 水災害退于戊亥之間興造城郭是後蓄姓及修身之  
 士官位不登君乃閱縉紳之徒不濟開南寺門承望華  
 嶽鄉明而治庶使學者李儒樂規程寅等各護人爵之  
 報廓廣聽事官舍庭曹廊閣升降揖讓朝覲之階費不  
 出民役不干時門下掾王啟錄事掾王畢 主簿王歷  
 尹曹掾秦尚功曹史王顓等嘉慕奚斯考甫之美乃共  
 刊石紀功其辭曰  
 懿明后德義章貢王庭征思方威布列安殊荒還師旅  
 臨槐里感孔懷赴喪紀嗟逆賊燼城市特受命理殘地  
 芟不臣寧黔首繕官寺開南門闕差峨望華山鄉明治

惠沾溼吏樂政民給足君高升極鼎足  
 中平二年十月丙辰造

宋神宗詩

賜彥博 彥字上用 御書之寶

四紀忠勞著三朝聞望隆亨茲難老祉報在不言功富  
 矣勲彌大居焉貌甚冲西都舊士女白首踰瞻公

文潞公記

御賜詩記

元豐三年季秋 皇帝行大饗之禮于 明堂 臣方守  
 魏被 召侍 祠大禮慶成後四日特蒙 制恩進位  
 太尉保釐洛郊 臣犬馬之年七十有五前此累年章十  
 數上以求致仕 聖慈俯憐舊物曲念老臣皆未之

許令復優進公位 俾守別都自顧衰殘非敢當克俯  
伏辭避至于再三訖不獲 命乃以閏月二十三日  
陞辭翌日出 都仍錫宴于瓊林苑悉以二府大臣押  
伴既又 臨遣中使 內出寶器 俾醕 天醴以極  
魚藻之樂及賜 御詩以寵其行 臣伏思蒙 厚恩荷  
殊渥自近世逮 本朝來未有其比則有粥 臣惇奉  
詔作序事義詳矣 臣雖窮極語言不能盡意唯知負戴  
天地生成之德感極而繼之以泣恭惟 陛下聰明睿  
智煥乎有文 帝庸作歌光紹前典伏自 臨御以來  
十有四載而英韶之運雲漢之章百執願聞萬物思覩  
者久矣曾未之得夫何老臣首蒙 天賜至榮至幸超  
絕等倫始在 都門則已傳布于宮省尋抵洛宅又得

診示于吏民是用圖金刻石以永其傳將與夫 日月  
並明 天地同久復使臣之子 孫 相繼率勵保之  
守之亦克永世至于老臣為不朽矣元豐四年正月三  
日河東節度管內觀察處置等使守太尉開府儀同三  
司行太原尹判河南府事西京留守司公事兼畿內勸  
農使上柱國潞國公食邑二萬三千六百戶食實封一  
萬一百戶 臣文彥博謹記

金王庭筠詩

帝遣名山護此邦子家琴 嵌西憲山僧乞與山前地  
招客先開四十雙 四十字 雙 作 卅 錄 四  
挂鏡臺西挂玉龍半山飛雪舞天風寒雲直上三千尺  
人道高歡避暑宮

王母祠東古佛堂人傳棟宇自隋唐年深寺廢無僧住  
湍谷西風栗葉黃

手拄一條青玉杖真成日掛百錢游夕陽欲下山更好  
深林無人不可留

右在汾州府學宮凡四通其末云黃華老人王庭筠  
行草四詩刻石于汾之學宮者殆五百年矣歲久石  
泐字畫漫漶嘉靖乙丑之秋分守左參政餘姚宋公  
岳省覽咨惜令州守王大經同知趙崇儒別礮石四  
面以新安儒生程本模勒判官楊守公經理刻成仍  
增置一亭貯之庭筠書號稱墨妙幾廢之餘逢此翻  
繕煥若神明頓還舊觀矣郡人孔天循謹記  
志云黃華老人王庭筠字子瑞金大定十六年進士

官至翰林修撰嘗買田林慮詩書黃華山寺因自號  
焉父遵古為汾州觀察判官省親至此行書詩石二  
面史稱書法學米元章端雅過之

司馬公祠堂詩

司馬晉州待制哀辭 太常博士通判延州軍州事馬

端

志古流難合謨高道自明風波直恩分公為郡牧俸當

公始嘗堅辭其辟當自為辨公惻然謝曰誠石盡交情

公與正宜從其行也卒不以辨識者躋之

不勝其人交必盡規讓始若讓節蒙知厚名在鳳翔日被

辭之自是深華班絕綺榮侍從皆出立至為賤生懷感

過當路假晶熒慰薦遂蒙改官累次青油幕及岐下皆

預省中間白玉京史文容議緩公議特被優假邦事恤

言輕時在寅年端輒奏疏論事公自此嗟流梗何期苦見

兵城是歲別公出宰塞垣心易動漳浦信彌驚今春得

知公疾玉藥悲無驗金臺望忽傾歲闌雲慘淡天迥淚縱

橫世有真忠亮今七至真清舊僚知葬日投此弔佳城

嘉祐元年十月三十日著作伍郎管勾河東路機宜文

字雷憲書

右小石刻在夏縣司馬公祠堂西館中

韻司馬溫國公墓詩并序

予到官之五日拜司馬溫國文正公墓顧瞻良久而

有是詩竇至元改元閏十二月既望也洞年後學范

庸頓首書

蒼々中條山悠悠涑河水哲人生其間而有司馬氏山

遂

水秀且明桑梓故鄉里宋朝入相時天下聞之喜通鑑

一編書名分盡乎禮天地大是非以禮為綱紀大哉君

臣道逆順合條理遂令千載下驚懼良有以禹都鳴條

岡邱墳峙高壘大儒世臣家何處孫與子我時來拜瞻

昆仲沒荆杞考古詢寺僧懷賢心未已黨人休其碑今

日果誰耻杏花蔭龜趺異事入青史細讀東坡銘文章

剝褒美迴首悲風來商聲振林起

大元至元四年四月九日餘慶禪院尊宿僧行選立石

右小石刻與馬端詩同嵌一壁

求古錄  
全帙

三  
文  
王  
林  
金  
府

求古錄  
全帙



